

Broj: 01-04-6-03409-7/2021
Sarajevo, 23.8.2021. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-03409-6/2021 od 20.8.2021. godine, Direktor Federalne uprave za inspeksijske poslove, u ime ugovornog organa donosi

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka komisije za javne nabavke uprave broj 01-04-6-03409-6/2021 od 20.8.2021. godine, te se ugovor o nabavci usluga osiguranja od autoodgovornosti sa osiguranjem putnika od nezgode, ZK i potpuno kasko osiguranje službenih vozila Federalne uprave za inspeksijske poslove po provedenom postupku konkurentskog zahtjeva uz primjenu e-aukcije, dodjeljuje ponuđaču „Adriatic osiguranje“ d.d. Sarajevo, čija ponuda broj 112/21 od 3.8.2021. godine je ocijenjena najpovoljnijom.

Ugovor sa ponuđačem „Adriatic osiguranje“ d.d. Sarajevo, zaključit će se pod slijedećim uslovima:

- ukupna cijena ponude: 21.865,97 KM;
- rok plaćanja je 30 dana od dana prijema fakture na protokol ugovornog organa u skladu sa budžetskim načinom plaćanja po cijenama ponuđenim u Aneksu 2 Tenderske dokumentacije-Obrazac za cijenu ponude;
- ugovor će se zaključiti na period od 1 (jedne) godine dana od dana zaključenja ugovora;
- usluge će se vršiti sukcesivno i po potrebi Ugovornog organa, u mjestu sjedišta ugovornog organa – Sarajevo.

Član 2.

U skladu sa članom 45. Zakona o javnim nabavkama BiH, ponuđač „Adriatic osiguranje“ d.d. Sarajevo je dužan ugovornom organu u roku od 5 (pet) dana od dana prijema ove odluke dostaviti:

- a) uvjerenje nadležnih institucija kojim se potvrđuje da je ponuđač izmirio svoje dospjele obaveze, a koje se odnose na doprinose za penziono i invalidsko osiguranje i zdravstveno osiguranje,
- b) uvjerenje nadležnih institucija kod kojeg je registrovan ponuđač kojim se potvrđuje da ponuđač nije predmet stečajnog postupka niti pod stečajem, odnosno da nije u postupku obustavljanja djelatnosti.
- c) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Dokumenti čije se dostavljanje zahtjeva prethodnim stavom ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

Član 3.

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Nabavka usluga osiguranja od autoodgovornosti sa osiguranjem putnika od nezgode, ZK i potpuno kasko osiguranje službenih vozila Federalne uprave za inspekcijske poslove predviđena je Planom nabavki uprave za 2021. godinu-usluge redni broj 1a, a procijenjena vrijednost nabavke je 21.500,00 KM.

Dana 15.7.2020. godine izvršeno je objavljivanje obavještenje o javnoj nabavci predmetnih usluga na Portalu javnih nabavki, broj obavještenja 1292-7-2-12-3-9/21.

Dana 17.8.2021. godine Komisija za javne nabavke je izvršila otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-04-6-03409-5/2021, koji je odmah po provedenoj proceduri otvaranja ponuđačima otpremljen putem pošte. Na javnom otvaranju ponuda nije bio prisutan predstavnik nijednog od ponuđača koji su dostavili ponude.

U zapisniku sa otvaranja ponuda je utvrđeno da su ponuđači tražene usluge ponudili po cijenama, kako slijedi:

Naziv/ime ponuđača	Ukupna cijena ponude
„Adriatic osiguranje“ d.d.	21.865,97 KM
„Sarajevo osiguranje“ d.d.	40.523,40 KM
„Camelija“d.d. za osiguranje	28.953,87 KM

Odmah po završetku postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su svi ponuđači dostavili traženu dokumentaciju, odnosno da sa aspekta formalne ispravnosti ponuda ne postoje razlozi za odbacivanje ponude bilo kojeg od ponuđača.

Komisija je nakon utvrđivanja prednjih činjenica na istom sastanku utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 20.8.2021. godine u 9,30 sati.

Komisija je dana 20.8.2021. godine, nakon provedenog postupka e-aukcije na sastanku izvršila uvid u Izvještaj o toku i završetku e-aukcije, konstatovala je da je e – aukcija trajala od 9,30 do 9,40 sati.

U izvještaju o toku i završetku e-aukcije je konstatovano da kod e-aukcije nije bilo podnošenja ponuda, odnosno da su ponuđači ostali kod svojih inicijalnih ponuda. Komisija je konstatovala da je ponuda koju je dostavio ponuđač „Adriatic osiguranje“ d.d. Sarajevo sa aspekta cijene prihvatljiva, te da ne postoje veća odstupanja od vrijednosti planiranih sredstava za predmetnu nabavku.

Komisija je slijedom prednjeg sačinila preporuku broj 01-4-6-03409-6/21 od 20.8.2021. godine, koju je dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Adriatic osiguranje“ d.d. Sarajevo, čija ponuda je ocijenjena najpovoljnijim sa ukupnom cijenom od 21.865,97 KM.

Obzirom da ponuđač „Adriatic osiguranje“ d.d. Sarajevo nije uz svoju ponudu dostavio uvjerenja nadležnih organa kojima se potvrđuje da na njegovoj strani ne postoje smetnje propisane odredbom člana Sarajevo, Fehima ef. Čurčića br.6, Tel: ++387 33 563 360, Fax: +387 33 563 361

45. Zakona o javnim nabavkama, članom 2. ove odluke je utvrđena obaveza dostavljanja navedenih dokaza.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.

**DIREKTOR**

Anis Ajdinović

Dostaviti:

1. „Sarajevo osiguranje“ d.d. Sarajevo, M. Tita 29, 71000 Sarajevo
2. „Adriatic osiguranje“ d.d. Sarajevo, Trg Međunarodnog prijateljstva 20, 71000 Sarajevo
3. „Camelija“ d.d. za osiguranje Bihać, Azize Šaćirbegović 16, 71000 Sarajevo
4. Sektor za materijalno – finansijske poslove
5. Sektor za tehničku podršku i plansko- analitičke poslove
6. Komisija za javne nabavke (a/a).